

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Imperatoris Constantini aduersus Eusebium Nicomedensem & Theognium
ad Nicomedenses epistola. Cap. XX.

urn:nbn:de:hbz:466:1-12704

THEODOR. HISTOR.

earum, quarum conscribendarum paulò antè vnà cum aliis Episcopis author fuerat, confessim relicta Nicomedia, ad sedem Episcopatus Constantinopolitani per ambitum ar- repsit, idq; contra ecclesiæ canoriem, qui vetat tum Episco- pos, tum etiam presbyteros de vnius ciuitatis sede, ad alte- riū se sedem transferre. At mirum non est, eos, qui velut fu-

riarum tedis agitati, diuinitatem vñigeniti filij infectari nō

sunt veriti, etiam audacter libereque alias leges violasse.

Neq; Eusebius istud facinus nunc primò tentare, sed idem ipsum iam pridem admittere non dubitauerat. Nam cum ec- clesiæ Beryensis administratio ei esset concredita, inde ad Episcopatum Nicomediae gerendum se transtulit. Ex quo Episcopatu etiam post concilium ob impietatem, quam pa- lam commiserat, et Theognis Episcopus Nicæa vnà, extur- batus est. Quam rem planam facit Imperatoris Constantini epistola, quam secundo scripsit ad Nicomedenses. Cuius e- pistolæ finem in historiam nostram includam. Sic enim scri- bit ad Nicomedenses.

Imperatoris Constantini aduersus Eusebium Ni- comedensem & Theognium ad Nicomedenses epistola.

CAP. XX.

Quis innocentem multitudinem ista docuit? Eusebius, videlicet, tyrannicæ crudelitatis administer. Nā quòd, tyranni partibus penitus adhæserat, ex multis illius re- bus gestis facile potest intelligi: Siquidem istud partim epi- scoporum, eorumq; verè episcoporum cædes testantur, par- tim crudelissima Christianorum persecutio palam clamat. Neque certe de iniuriis illius, quibus me affecerit hoclo- co verba faciam: per quem aduersariorum contra me con- cursus, quantum fieri poterat maxime procurabantur, qui & oculis tanquam speculatoribus me obseruauit: quinetiā mi- nisterio prope militari, quòd tyranno opem ferret, perfun- dus est. Ac nemo existimet me imparatum minusq; instru- ctum esse, etiam ad istas res si opus fuerit, certissimis argu- mentis confirmandas. Verissimè enim ostendi potest, tum presbyteros, tum diaconos à me manifestò deprehensos, qui Eusebium assidue stipabant. Sed hæc missa facio, quæ, non dicuntur à me, quòd ipse ea grauiter & iniquo animo, feram,

feram, sed quò eos suæ ipsorum pudeat inscitiae. Illud solum metuo, illudque animum cura implicatum tenet, quòd vos video in huius criminis societatem vocari. Nam improba Eusebij institutione, & peruersa doctrina, conscientia vestra à veritate deflexit. Verùm huius rei expedita est & facilis curatio, si modò Episcopum fidelem & animo simili ac sincero nacti, oculos ad Deum denuò conuertere volueritis. Quod quidem in præsentia est in vestra situm potestate, quodque etiam dudum pœnes vestrum iudicium fuerat, nisi aut Eusebius ipse, de quo dixi, aut alius quidam corū, quibus cū conuentus agere solet, huc præceps ruisset, & rectum eligendi ordinem impudenter conturbasset. Sed quoniam mihi de hoc ipso Eusebio pauca apud vos dicenda sunt, non vos præterit concilium Nicææ celebratum, cui ipse, sicut conscientiæ meæ munus postulabat, interfui: non alio sane animo, quam vt tum concordiam inter omnes constituerem, tum maximè omnium eam ecclesiæ perturbationem, quæ ex Arii Alexandrini amentia orta est, reprimerem, penitusq; inde summouerem. Quæ quidem perturbatio illico ex absurdo & pernicioso conatu Eusebii vires collegit. Nam quanta concursione, amantis, honoratissimiq; fratres, iste Eusebius, vtpote ipsa conscientia conuictus, quanta cum ignominia, mendaciis vndique deprehensis aggressus est, primum certos quosdam homines subornare, qui pro eo deprecarentur, deinde à me auxilium petere, ne tanti sceleris damnatus, honoris sui gradu deiçetur. Huius rei testis est mihi Deus, qui tum mihi, tum vobis benignus perpetuò adsit, quod & meum peruerit iudicium, & turpiter à veritate abduxit, quod vobis etiam plenum faciam. Nam tum omnia gesta sunt ex eius sententia, qui perniciem plane pestiferam adhuc intra cogitationis suæ domicilium occultam tenuit. Ac primum vt cetera illius nequitiae facinora taceam, audite, quæso, quid sceleris cum Theognide, quem suæ socium habebat amentiæ, consciuerit. Ipse forte quosdam Alexandrinos, qui à fide nostra defecerant, huc mitti iusseram: quandoquidem eorū opera dissidii flamma incensa erat. Sed isti honesti boni q; scilicet Episcopi, qui vera concilii diiudicatione ad pœnitentiam agendam reseruati sunt, non solum eos admiserūt

ad se,

THEODOR. HISTOR.

ad se, & secum in tuto collokarunt, verū etiam illorū depravatis moribus conimunicarunt. Quamobré erga istos ingratos aliquod suppliciū censui statuendum: & propterea mandatum dedi, vt à suis abrepti sedibus, quām longissimè rele, garentur. Iam vestrū est ea fide in Deum aciem métis vestræ, intendere, in qua vos semper mansisse constat, & in qua manere, omniaq; pietatis officia exequi consentaneum est. Quod si ita fiat, vt episcopos tum vitæ integritate, tum sana doctrina, tum benignitate in omnes eximios habeamus, iure, lētari debemus. Sin autē quisquā temeritate & audacia accusatus, eas ecclesiæ pestes vel memoria, vel laudibus celebra, re aggrediatur, confessim opera ac diligentia famuli Dei, (meipsum dico) pœnas suæ inscitiæ dabit. Deus vos, fratres chariss. incolumes seruet. Isti igitur quanquam tū & honorū gradibus abdicati, & ciuitatibus electi erāt, et Nicomedia episcopatū Amphiō, Nicæa aut Chrestus obtinuit, tamē rursus machinis, quibus antè vti cōsueuerāt, vñi, & Imperatoris facilitatē, velut subsidiū ad fraudē faciendā nacti, certamine redintegrato, priorē suā recuperauere potestatē.

*De veteratoria fraude ab Eusebio & complicibus suis
contra sanctum Eustathium Antiochenum episcopum excogitata. CAP. XXI.*

Eusebius, postquam, vt dixi modo, ad Episcopatus Constantiopolitani honorem per vim planè tyrannicam ascendit, maiore comparata potentia, tum quod Imperatori in proximo habitans, eum frequenter adiret, tū quod ex crebra eius consuetudine autoritatem nactus esset, infidias iam veritatis propugnatoribus struere cœpit. Ac primum se magno flagrare desiderio visendi Hierosolymam simulauit: & cum Imperatorem hoc pacto felissimè (prætexuerat enim se templum ab imperatore ibi extructū, quod omnium sermone celebratum fuit, velle visere) cum maximo honore Constantinopoli decessit: quippe Imperatore ei rhedas, & alias res, quibus eum ornaret, suppeditauit. Eum comitatus est Theognis Episcopus Nicæa, suorum perditorum consiliorum, vt suprà dictum est, particeps ac socius. Qui cum aduentarent Antiochiam, amicitia erga Eustathium vultu ac fronte simulata, honorificentissimè excepti sunt.